



ქალაქ ფოთის მუნიციპალიტეტის საკრებულო



განკარგულება N 5/17

2019 წლის 27 თებერვალი

ქალაქი ფოთი

ქალაქ ფოთის მუნიციპალიტეტში მალთაყვის სანაპირო ზოლის განვითარებასთან დაკავშირებით დროებითი სამუშაო ჯგუფის შექმნისა და პერსონალური შემადგენლობის დამტკიცების შესახებ

ქალაქ ფოთის მუნიციპალიტეტის საკრებულო აღნიშნავს, რომ საქართველოს კონსტიტუციის მე-5 მუხლის მე-4 პუნქტის შესაბამისად, სახელმწიფო ზრუნავს ადამიანის ჯანმრთელობის დაცვაზე.

საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-4 პუნქტის შესაბამისად, მუნიციპალიტეტის კომპეტენციაა ტურიზმის განვითარებისა და ჯანმრთელობის დაცვის მიზნით ღონისძიებების გატარება.

ქალაქ ფოთის მუნიციპალიტეტში, მალთაყვა ადგილობრივი მნიშვნელობის კურორტია. ზღვა, ქვიშიანი პლაჟი, დიდი ინსოლაცია და ჰაერში ზღვის მიერ წარმოქმნილი ქიმიური მიკროელემენტების არსებობა სასარგებლოა გულ-სისხლძარღვთა, სასუნთქი გზების და ნერვული სისტემის ფუნქციური დარღვევების სამკურნალოდ.

ამასთანავე, აღსანიშნავია, რომ ქალაქ ფოთის მუნიციპალიტეტი, მალთაყვის სანაპირო ზოლში ახორციელებს კეთილმოწყობის სამუშაოებს.

საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის პირველი პუნქტის, „ბ.ე“ ქვეპუნქტის შესაბამისად, მუნიციპალიტეტის საკრებულოს უფლებამოსილებებს განეკუთვნება მუნიციპალიტეტის საკრებულოს დროებითი სამუშაო ჯგუფის შექმნა და დროებითი სამუშაო ჯგუფის პერსონალური შემადგენლობის დამტკიცება.

ამდენად, ქალაქ ფოთის მუნიციპალიტეტში მალთაყვის სანაპირო ზოლის განვითარებასთან დაკავშირებით მიზანშეწონილია შეიქმნას დროებითი სამუშაო ჯგუფი.

საქართველოს ორგანული კანონის „ადგილობრივი თვითმმართველობის კოდექსის“ 29-ე მუხლის პირველი, მე-2 და მე-3 პუნქტების შესაბამისად, მუნიციპალიტეტის საკრებულო უფლებამოსილია ცალკეულ საკითხთა შესასწავლად, საჭიროების შემთხვევაში შექმნას დროებითი სამუშაო ჯგუფები. მუნიციპალიტეტის საკრებულოს დროებითი სამუშაო ჯგუფის ხელმძღვანელსა და წევრებს სამუშაო ჯგუფის უფლებამოსილების ვადით, რომელიც არ უნდა აღემატებოდეს 3 თვეს, თავისი შემადგენლობიდან ირჩევს მუნიციპალიტეტის საკრებულო.

მუნიციპალიტეტის საკრებულოს დროებით სამუშაო ჯგუფში მუნიციპალიტეტის საკრებულოს წევრები შეყვანილი უნდა იქნენ მუნიციპალიტეტის საკრებულოს ფრაქციათა წარმომადგენლობისა და იმ მუნიციპალიტეტის საკრებულოს წევრთა რაოდენობის პროპორციულად, რომლებიც გაერთიანებული არ არიან არცერთ ფრაქციაში. მუნიციპალიტეტის საკრებულოს რეგლამენტით დადგენილი წესით დროებითი სამუშაო ჯგუფის წევრად სამუშაო ჯგუფის უფლებამოსილების ვადით, სათათბირო ხმის უფლებით შეიძლება სხვა პირთა მოწვევაც.

აღნიშნულიდან გამომდინარე:

მუხლი 1.

1. ქალაქ ფოთის მუნიციპალიტეტში მალთაყვის სანაპირო ზოლის განვითარებასთან დაკავშირებით შეიქმნას დროებითი სამუშაო ჯგუფი და დამტკიცდეს დროებითი სამუშაო ჯგუფის პერსონალური შემადგენლობა:

- ა) ირაკლია კაკულია-ქალაქ ფოთის მუნიციპალიტეტის საკრებულოს თავმჯდომარე, სამუშაო ჯგუფის ხელმძღვანელი;
- ბ) აკაკი დარჯანია- ქალაქ ფოთის მუნიციპალიტეტის საკრებულოს თავმჯდომარის მოადგილე, სამუშაო ჯგუფის წევრი;
- გ) ზურაბ ჩაჩუა- ფრაქცია „ქართული ოცნების“ თავმჯდომარე, სამუშაო ჯგუფის წევრი;
- დ) სამსონ კუტალია-ფრაქცია „ქართული ოცნების“ თავმჯდომარის მოადგილე, სამუშაო ჯგუფის წევრი;
- ე) ბაქარ ერაგია- სოციალურ საკითხთა კომისიის თავმჯდომარე, სამუშაო ჯგუფის წევრი;
- ვ) ზვიად დგებუაძე- „ქართული ოცნება-კონსერვატორების“ თავმჯდომარე, სამუშაო ჯგუფის წევრი;
- ზ) ჯემალ მიგინეიშვილი- ფრაქცია "ქართული ოცნება-მრეწველების" თავმჯდომარე, სამუშაო ჯგუფის წევრი;
- თ) დათო ხომერიკი- ფრაქცია "ფოთის" თავმჯდომარე, სამუშაო ჯგუფის წევრი;
- ი) მაია ჩხარტიშვილი- ფრაქცია "კოლხეთის" თავმჯდომარე, სამუშაო ჯგუფის წევრი;
- კ) ბექა ვაჭარაძე- სივრცით - ტერიტორიული დაგეგმარების და ინფრასტრუქტურის კომისიის თავმჯდომარე, დროებით სამუშაო ჯგუფის წევრი;

2. სათათბირო ხმის უფლებით, დროებით სამუშაო ჯგუფის საქმიანობაში მონაწილეობის მიღება ეთხოვოს:

- ა) გიორგი ფარეშიშვილს-ქალაქ ფოთის მუნიციპალიტეტის მერის მოადგილე, დროებით სამუშაო ჯგუფის წევრი;
- ბ) შალვა თავართქილაძეს-აკადემიური დოქტორი, პროფესორი.

3. დროებით სამუშაო ჯგუფმა აღნიშნული განკარგულების მიღებიდან სამი თვის ვადაში ქალაქ ფოთის მუნიციპალიტეტის საკრებულოს წარუდგინოს, წინადადებები ქალაქ ფოთის მუნიციპალიტეტში მალთაყვის სანაპირო ზოლის განვითარებასთან დაკავშირებით.

4. დროებით სამუშაო ჯგუფის საქმიანობაში მონაწილეობის მიღების უფლება აქვს ყველა დაინტერესებულ პირს საქართველოს კანონმდებლობით დადგენილი მოთხოვნების დაცვით.

5. დროებით სამუშაო ჯგუფის წევრებმა საქმიანობა განახორციელონ უსასყიდლოდ.

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილისა და საქართველოს ადმინისტრაციული საპროცესო კოდექსის 22-ე მუხლის მე-3 ნაწილის,

„ადგილობრივი თვითმმართველობის კოდექსის” საქართველოს ორგანული კანონის 62-ე მუხლის პირველი პუნქტის შესაბამისად, აღნიშნული განკარგულება შეიძლება გაასაჩივროს დაინტერესებულმა მხარემ ფოთის საქალაქო სასამართლოში (მისამართი: ქალაქი ფოთის მუნიციპალიტეტი, დავით აღმაშენებლის ქუჩა №3).

მუხლი 3.

განკარგულება ძალაშია 2019 წლის 27 თებერვლიდან.

საკრებულოს თავმჯდომარე



ირაკლი კაკულია